



# মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071

Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

৩০ জুন ২০০৪

## শিল্প সৃজন করণ/এইডস রক্ষণ এইডস নিয়ে রাষ্ট্রসঙ্ঘের কর্মশালা কাল শুরু কলকাতায়

কলকাতা -- এইচআইভি/এইডসের ওপর চারদিনের এক আন্তর্জাতিক কর্মশালা আগামীকাল, বৃহস্পতিবার শুরু হচ্ছে কলকাতার ওবেরয় গ্র্যান্ড হোটেলে। মারণ রোগ এইচআইভি/এইডসের বিরুদ্ধে সক্রিয় ৬০ জনেরও বেশি কলাকুশলী দেশের নানা প্রান্ত থেকে এই কর্মশালায় যোগ দেবেন। রাষ্ট্রসঙ্ঘের এইডস প্রতিরোধ কার্যক্রমের আর্থিক সহায়তায় এবং আমেরিকান সেন্টারের সহযোগিতায় আমেরিকার গেয়ার ফাউন্ডেশন আয়োজিত এই কর্মশালার প্রধান উদ্দেশ্য এইডস রক্ষতে বিভিন্ন ক্ষেত্রের শিল্পীদের शामिल করা।

এই কর্মশালায় হাজির হয়ে স্থানীয় কলাকুশলীরা তাঁদের শিল্পনৈপুণ্যের সঙ্গে আন্তর্জাতিক স্তরে এইডস প্রতিরোধে গৃহীত বৃহত্তর আঙ্গিকের সাংস্কৃতিক আন্দোলনের মেলবন্ধন ঘটানোর সুযোগ পাবেন। আমেরিকা, দক্ষিণ আফ্রিকা, সুরিনাম, বাংলাদেশ, নেপাল এবং ব্রিটেন থেকেও সাংস্কৃতিক সক্রিয়বাদীরা এতে অংশগ্রহণ করবেন।

রাষ্ট্রসঙ্ঘের একটি হিসাবে গত ২০০১ সালেই বলা হয়েছিল, ভারতে এইচআইভি-সংক্রমিত মানুষের সংখ্যা ৩৯ লক্ষ ৭০ হাজার। একই সঙ্গে কিছু মহামারী বিশেষজ্ঞের ধারণা, আগামী ২০১০ সালের মধ্যে সংখ্যাটা বেড়ে দুই থেকে আড়াই কোটিতে পৌঁছে যেতে পারে। এই অঙ্ক সত্যি হলে শীঘ্রই ভারতেরই বিশ্বের বৃহত্তম এইচআইভি-আক্রান্ত দেশের কলঙ্কিত শিরোপা জুটতে পারে। যেখানে শতকরা ৩৫ জন মানুষই কার্যত নিরক্ষর সেই ভারতে নিঃসন্দেহে এমন কিছু কার্যকরী পদ্ধতি উদ্ভাবন করা জরুরী যাতে রোগ প্রতিরোধ ও চিকিৎসার ক্ষেত্রে প্রয়োজনীয় তথ্যের আদান-প্রদান পুরোপুরি লিখিত শব্দের মাধ্যমে না করলেও চলে।

এই প্রেক্ষাপটেই সাক্ষর-অসাক্ষর নির্বিশেষে ভাব বিনিময়ের ক্ষেত্রে গুরুত্বপূর্ণ ভূমিকা নিতে পারে পুতুল নাচ, নাটক, নাচ-গান, অভিনয় এবং টেলিভিশনের মতো নানা প্রচার মাধ্যম। এই ভাবনা থেকেই এইডস রুখতে কলকাতায় এমন একটি সম্মেলনের আয়োজন করা হয়েছে। এতে অন্যান্যদের মধ্যে ডাক্তার, সাংবাদিক ও সক্রিয়বাদীরাও যোগ দেবেন।

\*\*\*\*\*

দ্রষ্টব্য: এই নিবন্ধের সম্পূর্ণ ইংরেজি ভাষ্য আমেরিকান সেন্টারে পাওয়া যাবে। আপনি যদি মূল ইংরেজি বয়ানটি পেতে চান তাহলে আমেরিকান সেন্টারের প্রেস সেকশনে (টেলিফোন: ২২৮৮ ১২০০-০৬, ফ্যাক্স: ২২৮৮ ১৬১৬; ই-মেল: [pascal@state.gov](mailto:pascal@state.gov)) যোগাযোগ করতে পারেন।